



Villy Olsvig
Inatsisartunut ilaasortaq, Inuit Ataqtigiit

Minngortuunnguup Atuarfia pillugu §37 naapertorlugu apeqquut nr. 184-imut tunngasoq

Asasara Villy Olsvig,

Inatsisartut Suleriaasiat naapertorlugu Minngortuunnguup Atuarfia pillugu apeqquutinnut qujanaq. Apeqquutit matuma kinguliini akissavakka.

25-07-2017
Suliap normua
Allakkat nr.

Postboks 1029
3900 Nuuk
Oqarasuaat: +299 34 50 00
Fax.: +299 32 20 73
Email: ikiin@nanoq.gl
www.nanoq.gl

- 1. Naalakkersuisut meeqqat atuarfii pillugit Inatsisartut inatsisaat nr. 15, 3. december 2012-meersoq malillugu nakkutilliisussaataapput Kommunit inatsit malillugit ingerlatsisoqarsimanersut. Timimikkut innarluutillit Minngortuunnguup atuarfiani atortorissaarutitigut amigaaqarnerat Naalakkersuisuniit qisuariarfiginiarneqarnerluni?**

Akissut: Ilumoorpoq kommunit meeqqat atuarfiinik ingerlatsinerannut Naalakkersuisut pingaarnertut nakkutilliisussaammata. Taamaattoq atuarfiup aqutsisua perorsaanikkut atortunik aalajangersimasunik toqqaanissanut pisiortornissanullu kingulliulluni aalajangiisussaavoq. Tamanna pisinnaavoq kommunini perorsaasut tarnillu pissusaanik ilisimasallit, ilinniartitsisut imaluunniit meeqqat pineqartup pisariaqartitai tunngavigalugit angajoqqaat saaffiginninnerat tunngavigalugit inassuteqareernikkut.

Kommunalbestyrelsi meeqqat atuarfiat pillugu inatsimmi § 43, imm. 1 naapertorlugu meeqqat atuarfiat pillugu inatsimmik atuarfiit eqqortitsinissaannik nakkutiginnittussaavoq. Tamatumunngattaq ilaavoq ilumut atuartut ilinniartitsissutissanik pisariaqartinneqartunik peqarnerisut, atortunillu ikiuutaasinnaasunik atuartsinermut atorneqarsinnaasunik peqarnerisut.

Taamaammallu ilinniartitsissutissat atortussallu sorliit atuarfiit pissarsiariniarlugit toqqarsimanerannut Naalakkersuisut akulerussinnaangillat, tassami tamakku pissarsiariniarneranni perorsaanikkut naliliinerit aamma peqqinnissakkut suliatigut ilisimasallit attuumassutillit naliliinerat pissarsiareqqaartariaqarmata.

Taamaammatt atuarnermut ilinniartitsinermullu atatillugu atuartunik naammattumik pisariaqartumillu ikiorneqanngitsunik tapersorsorneqanngitsunilluunniit ilisimasaqassaguit kommunimi atuarfimmuut oqartussaasunut siullermik saaffiginneqqaartariaqarputit, pisariaqarpallu pissutsit tulluurtutut isiginngisatit pillugit naammagittaalliuteqarlutit. Tamatumalu kingorna kommuni meeqqat atuarfiat pillugu inatsimmi tassanilu aalajangersakkani pisussaaffiusunik malinninngitsutut isumaqarfigigukku Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik saaffigissavat. Tamatumalu kingorna meeqqat

atuarfiat pillugu inatsimmi § 37, imm. 2 naapertorlugu Naalackersuisoqarfik nakkutilliisussatut nakkutilliinerup isumaginissaanut paasissutissanik pisariaqartutut isigineqartunik pissarsiniarsinnaavoq.

2. Naalackersuisut meeqqat atuarfii pillugit Inatsisartut inatsisaat nr. 15 3. december 2012-meersoq malillugu nakkutilliisussaataapput inatsit malillugit ingerlatsisoqarsimaneranik. Qeqqata Kommuniani atuarfimmut aningaasaliissutaasimasuni 29,7 mio. Kr.-nit atunngitsoorneqarsimasut, timimikkut innarluutilinnut atortussanik atuarfinni amigaatigineqartunut atorineqarnissaanerlutik?

Akissut: Naalackersuisut pisumut tassunga akulerussinnaanngillat, tassami kommunit missingersuutaasa aalajangersaaffiginissaat kommunip nammineerluni akisussaaffigimmagit - aamma meeqqat atuarfiat pillugu suliassaqarfimmut tunngatillugu.

Inussiarnersumik inuulluaqqusillunga



Doris J. Jensen